

盧圭峯先生文集序



予產惠北里髫髻始知學即聞先君子
暨諸長老言知有元進士盧公希



時惠文運未興縉紳學士大夫無多見
去古未遠太朴猶存人知景崇先招往
往能談盧公遺語予亦竊慕之間其居
即今八都峰尾去予家不及二十里而

近予暇日至其地嘗訪公故居則見其
有古堂三四椽左傾右頽不蔽風雨中
有元平陽知州盧公木主四壁之外廢
垣敗瓦過而見者莫不為之躊躇而悽
愴訊其子孫皆飄零流落隱於人間為
傭作曾不知先世之有賢士相繼至於
其鄉之氓又皆以海為市朝夕鬻販魚

蝦麤鄙狡獪陋甚比屋不聞詩書之聲
未見有一秀民出於其閭者竊歎夫山
川不變時代互遷大賢之後古多陵夷
而於其地之媿陋亦迥相懸絕昔之所
聞如此今之所見如彼不亦良可慨哉
盧公遺文予未仕時嘗見抄本半集於
先君子舊篋中薦經倭亂散逸無存求

之二十餘年不獲一日得於吾鄉黃君
玉流氏乃元陳誠中所編為主峯集與
公之子昂所次為平陽集欲鋟梓而未
就者當兵燹之餘家比為燼不知藏於
何名山大川以得無燬或者鬼神呵護
將使之俟後世君子以廣其傳也歟予
不類竊喜為之校閱叙錄遂令鋟梓如

左於戲公古之賢者也予公之鄉人也
先後不同時而惟賢我師也惠之先哲
固未可謂無人唐宗諸賢邈矣文行不
可概見居地亦無復尋惟公去今時未
遠而居又近在其學與政回於予心若
曠世而相感者是之取爾

隆慶壬申九月後學崑東山人朱一龍

于田甫序

盧圭齋先生文集序



余少好從鄉長老慕說先喆故聞有圭齋先生嗣後窺邑乘迺知先生以明經魁浙闈登元至正壬午進士為在循吏先生舊有詩稿去歲過里網羅遺逸始得故大叅朱于田公所裒錄即元孫伯迺陳誠中所編圭峰集欲鐫未就者也

間携之白門友人董崇相陳元凱輩賞其清絕謂表章先詰責在後死於是校讐詮次登之琬琰是編出先生為不朽矣嗟乎文章顯晦之際自昔歎之子雲法言必經久而後傳襄陽遺編藉士源而逾著匪惟賤近貴遠亦以待識矣時先生生胡元末造干戈漸擾僻處窮鄉

文運苞塞而揚乾風雅追蹤作者讀其詩寸滌豔逸天真爛熳而根極於性靈之寫信天挺英姿非風氣之所囿也夫文章者賢豪之神魄也其精光逸韻足以激發同調而勤百代下學士大夫之寤想靈芝瑰樹委諸草莽凡在臭味誰不扼腕然元社旣墟迨今二百五十禩

矣中荐經兵燹煨燼蕩析之餘勝國時
物影響銷歇是編特與魯僻汲冢擁護
無恙將明德盛者光霽遠乎當先生之
前邑崔黃諸姓冠蓋蟬聯赫奕閭里曾
未百季鞠為荒草逝水即欲覓其遺踪
而已無復別而識之者先生沒餘二百
載代易人非山川有改風雅不墜可見

天地間百凡同盡惟文章為耐久而斯
文之湮鬱其觸人秉彝之好為尤深且
夫盧之先經明行舉者接踵逮先生而
益顯豈乏詩書世澤之遺哉然今入其
里類販鬻麤鄙以海為生衣冠絕跡弦
誦無聞訪其子姓則淪落飄零為傭保
雜作獨其遺咏剝簡人猶錄而藏之司

馬托志于名山白傅歸依于三歲涼涼
爲結緣于百千載不可知之人而異之
傳而現前之尋聲逐影者有不足恃也
諒哉諒哉然使先生身享崇廡不則生
通都鉅邑一唱群呼于順風加疾之地
則世知有先生詩舊矣惟其仕不過郡
國名不出里閭即能名先生詩者自邑

三數公外渟如故隨舉隨輟若滅若沒
以有今日射斗之精拂之園土之餘而
佩之三事所以光芒豔發倍加閃爍也
與余旣賀其傳且惜其遭而又以自少
嚮慕先生得從諸君後發舒二百餘載
之沈淪有厚幸焉雖然先生之治行彪
炳于國史邑乘燦乎備矣余之景仰先

生獨詩乎哉

萬曆己酉季秋之吉邑後學尚白居易
莊毓慶書于金陵公署



吳天祥刻

盧圭峰集序

惠安盧希歸先生圭峰集若
干卷莊徵甫得之於于用朱大叅
家而猶病其雜也則使莊吳二山人
損焉以授我又令我損焉以傳蓋
存者厘十五六而古風獨全讀之

金石葬而星河流也又淙之然若
急澗寒響從以風雨滿潭四下百
怪出而萬壑移躍之於吾目何其
奇也及考其行事先生生於元季
腥臊傾及多事之秋而為縣令能
以一言感悟鄰盜使之投戈縛其
酋又能激用其民戰安沈流突
數萬方張之巨寇持之踰年不得
逞竟完其邑逮遷漕司提舉海口
鹽塲又能持法抗番大商以貨得
省改立能箠教人者使不得奪國家
之利兩敗塲又能減筭以禱以一言

回賜其精神貫徹上變天地下變
盜賊如此使其生逢休運都將相
之權得盡所施設其勲烈可勝道
哉天奪元魄刑政不綱授盜以柄
揭竿四起而據高位操朝政者方
事賄奪忘國恤雖有蹟烈章之
如先生僅置之猥冗凌雜間不
得究其施後雖以近臣荐起平陽
而先生沒矣

明興雲龍奮起一時佐命建功諸
臣大抵皆元遺獻或以節顯者亦
有之先生生不究當時之施死不逢

興王之運獨留其詞章照耀天地
越二百年兵灰燼烟消雨滅之
餘而流風餘韻猶傳於士大夫之
口沉淪幾晦久而復章此豈偶然
之故哉吾觀先生文雖不如詩然皆
有闕政紀踰寇祈晴請比通於

幽明其論常平利害纏然指掌矣
予見往年和糶擾民大率亦若此
世季弊滋何法而不為害安得盡
如先生者而用之耶先生生平孝
義初從其師余子賢試浙省師卒
不顧試期而恂恤其家以在有加

維貴見師之友必拜則其撫暴化
頑動幽明而名後世者良亦有本
士非積於仁義而徒欲襍以文其長
存也可異乎先生名琦號三齋
希飾其字圭峰則其所居之山取
為集名者也

萬曆己酉秋日閩中董應舉書



圭齋盧先生詩集目錄

五言古風

度嶺於崇安命掉建溪

和八伯章和賡元魯應奉韻

咨王侍郎寄襖原魯應奉

借曹汝敬晚對亭酌因叙相思相勉之意

題待月亭卷

漁樵共話圖

送塗嶺巡檢要東木之莆田尉

贈莆陽蔡可禹有序

莆陽忠門西江陳

公建義學于家之西南延致可禹蔡君
以教里之子弟蔡公忠惠之後因裁詩
贈之

龍江山平遠樓

贈逸嚴道人

題李月海卷

挽陳本中學錄

題陳允中屈卷

存與堂

題潭州劉氏姊妹孀婦貞節

過高郵

過紫薇庵訪馮道士

題汀州丁溪知事卷

舟行秋暮

荅福唐林氏兄弟詩

將至大橫驛舍舟乘輿暮行山中

聞秋虫有感

晝卧雲際亭

贈白雲

望武夷

宿武夷

宿武夷山會杜聘君

題焦山方丈壁

送吳父之揚州

寄王伯循諸公

過青道士江野舟

秋日病起池上

宿鳥石驛

度閩關

寄沿山別駕兀顏子忠

同幕府楊子丞李伯真避暑烏石上晚酌

天章臺

宿臺山寺絕頂

望鼓山

春日思遠遊

至治辛酉九日與用平上人純仁茂才遊

西山福清寺有感

送別

題壽萱堂

白雲精舍

滿月洞天

風山龍井

銅盤夜月

天柱獅巖

文筆晚雲

獎阜叢林

洞宮丹室

禪岩少照

星水朝霞

春江晚渡圖

憂村氓

過廬山

早發黃河

七言古風

鞦韆

至正己亥夏予游壺山宿真淨岩卽景賦

詩奉簡古道了堂二師

陳誠中留宿壺山別墅雨中紀懷

遊龍紀寺和朱原道都事壁間韻

題項羽廟
有事居庸關

宣布同知自燕京來報國哀時文皇晏駕

走筆贈孤禮
留別同鄉嚴進士

七夕後樂陵臺上倚梧望月有懷李御史

公襲

過桐君山
夜泊釣臺

寒夜懷京和韻
京口寒夜和葛秀才

題鴉落圖
江南樂

江南怨
雪山辭題壽星驛

題雲山圖

同曹克明登北固山和韻

阻風崔鎮有感
遊吳山駝峯紫陽庵

江上聞笛別友
將至太平驛卽事

燭
秋蚊二首

舟過武夷
望湖亭

贛州奉別盧州判

中秋泊雩都東獄前對月書懷

中元回家拜祭感懷

寒夜聞笛

黯淡歌

練湖曲

海棠曲

威武曲

如夢曲哀燕將軍

儒有蔭氏子

有序

梅山行

并引

五言律

晚泊黃坑舖

題葉清甫綠波樓

寄張子震

春暮寄友

送僉判趙宗吉

送許存忠之漳浦縣尹

和木軒林先生寄本中韻

寓榕州寄烏石陳晚對

和林子蒼湖亭晚酌

宿僧房

楓亭道中

惠安道中

荅王經歷庭訓

寧化縣

過建寧縣

贈李逢原

送長樂縣吏

昆山客邸

送高教諭

遊萬竹庵

遊洞嶺寺

遊東林庵

遊萬松庵 二一首

遊北巖庵

夜泊羊角埧

遊吳廷用南庄

次鄭公除夕韻

送福唐林氏兄弟

次繁昌邑宰梅雙溪韻

七言律

寄同年狀元拜住善御史

客武林寄馬元臣山之英二同年

山之英寓所觀壬午進士題名記有感

自高郵買舟還江南至常州值雨寄魯元

達

和韻荅白明之

汀州道中

寄泰寧鮑縣尹

雲巖書院

臨汀城外別丁景文

趙孝子卷

周孝子卷

題徐方外捕盜應夢圖 二一首

送朱希文

送吳元珍

贈片雲上人

次韻答林迪齋陳

景淵

送萬謙甫歸銘山

依韻答歐士中

送孫君猷

寄呂用賓縣尹

重遊蓬壺因呈諸公一咲

二首

依韻奉呈敬在博士先生并簡諸公一咲

至正己亥六月遊壺山宿真淨岩訪忠門

西江陳公江亭二首

再道江亭用前韻酬美中

挽安童叅政先任興化太守後任叅政分

省興化

和虞伯生寄張總

管韻

寓平南善應菴

述懷

病中懷王德輝

題節婦卷

三月晦日鄭友雲

招飲

客建寧別李季昌

遊真淨菴和方時舉

答樂嶼陳樂齋

送府掾之永嘉

和朱仲綱赴杭韻

寄題長樂王隱君

小圃

贈雲峰道人

太平驛和月林野

間韻

遊金峰寺

再用明之韻

和仲賓監縣遊考亭韻

和林子蒼玄妙寺值雨

再遊仙宗寺約曾元瑞不至

仲秋寓逕江張伯雅席上作

陳教諭見和因復用韻答之

寧德寄呈鄭德和叅政繞兵古田

劉秘監山水 贈畫師春山

松下軒 題松江寺僧遊浙卷

松江道人 分水關和朱明仲韻

廣信道中 登姑蘇臺

寓海壇歸卽事 福清平南道中

寓福清寄山東 魏宗題蕭山韓家湖亭

題南岡上人詩卷 姑蘇舟中

清河樓上小酌卽席和子儀韻

與友宿傳法寺

寄天竺長老住集慶龍翔寺 二首

寄劉德中句空小隱居圖

高郵城樓晚望

燕將軍出獵

送王御史入京

偕廉公亮遊鍾山

別江州總管真定王堯紹

寄鶴林長老

和王維學海南還韻

三衢守馬昂夫索題爛柯石橋

題元符宮東秀軒又名日觀

集賢學上塔兒哈冊奉旨代祭真定路王

華宮僕備鑿體

登鎮陽龍興寺閣觀銅鈞觀音

寄叅政許可用

文濟王賜練段賦詩以謝

李副使之江浙

寄文濟王府教授郭尚之

送僉憲王君實之淮東

可用惠茶賦詩

以謝

道士彭玄明歸三茆

棲吳山

金陵道中

題金山寺

盡懷

宿道家作

和葉知事題鬱山房

客中書懷

福州王霸故宅

送丞相河南王南征

中秋寄友

題道觀

賦深隱

寄衣

愁

美人折花

登大峰山

過平溪橋

遊北里三峰寺

山行雜詠四首

再遊南庄

夢中得二句云萬里春潮隨月上數聲漁

笛隔溪聞覺而足云

泊小孤山

雩都縣西禪田寺有生佛甚靈殿後有竹

十三竿云是佛在日所敲之竹即今存

馬

宿會昌鋪

宿武林禪果寺

題吳元珍釣園

遊林肅寺和林清源先生韻

再過鍾山萬壽寺有感

題鄭克讓淵明卷 餞德化王知縣

和經略使從事間可理問同年

再分司海口卽事寄桂尚文都事

題全安庄

過吳江

五言排律

餞憲使元卿赴浙江叅政

贈府訓林先生之京二十韻

七言排律

贈周信玉

餞孫復齋赴南雄

同知

五言絕句

過峽口浦

縣齋閑坐偶成

翠峰梅雪

七言絕句

題杜容可篋居卷

興化道中

泊洗溪驛

歲寒

和鄭子經遊仙宗寺韻

再用子經韻簡曾元瑞

送劉友峰再遊南泉

二首

陸德揚杭州新居

草萍驛和陸天錫

蒜嶺道中

宿莆陽玄妙觀贈一山道人

送阮洞仙
題四皓圖

錢舜舉木芙蓉
洗馬圖

玄妙觀作
題射獵圖

題山水圖
舟泊揚州

寒山寺
題山水卷

題捕魚圖
蒲萄

畫梅

賦

驅睡魔賦
悠然亭賦

海賦

記

重建登科巖記
重修永春縣學記

永春縣重建公署記

三華重修講堂記
東坡善應菴記

遊凌溪記

誌銘
祭文

元故貞士陳公墓誌銘

樂齋陳公墓誌銘 祭烏石陳貞士文

啓

答吳縣尹啓

領舉贄上本路鄒總管

分司海口場祈晴

雜著

建言常平

論寇文

跋伯章九龍卷

題趙茂叔山居圖

題牧牛圖

題曾君世家盛事集

題山水圖

求麥舟疏

求麥舟疏為建寧李宗父作

行實附

故前村居士盧公墓誌銘

前國子生三山吳鑑撰

盧平陽哀辭

三山陳忠

永春平賊記

元奉政大夫同知福州路

總管府事致仕林以順撰

恭人陳氏壙志

立齋盧先生文集後語

延平孫伯起撰

盧圭齋先生文集目錄

圭齋盧先生集

元錦田盧琦希韓著

鄉後學三山董應舉崇相

陳勲元凱

邑人朱一龍于田

吳天成德渾

莊明鎮靜甫

莊毓慶徵甫全選

五言古風

度嶺於崇安命掉建溪

人生天地間馳馬歷大塊役役功名場歷歷山水會偉哉東南區嶽險閩越最車書四海同風氣一嶺介肩輿度層霄手棹下急瀨四山抱回流環合如束帶玉井蓮葉漂仰面天作蓋倏馳丹峯前却作紫嶺背微陰間雲霞凍雨洒松檜溪林樵牧歸落日山鬼會雪瀑掛水簾松風奏天籟石梯架仙岩往往遺迹在瑤草石上生丹藥市中賣巍巍考亭祠過客祠下拜溪水自成

文上接洙泗派喚渡雲間僧貌古清可愛手把青松枝跌坐溪石待懸畦虹棧危挿竹漁網晒山高人蟻緣下視舟一芥輕舸類飛鯁宛轉亂石隘崢嶸龍角尖硯砢龜首癩嗟吁激頽波出沒水中恠萬古槌地雷三峽瀉澎湃峯巒爭送迎奔走萬里快箭過耳邊風開口不暇咳峭壁起衝流恍若巨鰲戴上有舊題懸歲久字蹟壞豈無功名存彷彿年月載覽此前人蹤徒爲後人慨天氣易寒暄光景倏明晦浩蕩三日程應

接千萬態會登天柱峯一覽宇宙大

和八伯章和賡元魯應奉韵

芳辰天正暄閒居日多暇羣英總能詩往往韋
陶亞白雲在郊外相望無一舍招提夙所期款
段亦可駕數峰互參差百卉相枕籍持杯有紅
裙蓋鞍匪黃帕衣冠蘭亭會林壑輞川畫嗟予
在塵蹤屢嘆流光瀉區區縛簿書役役劬晨夜
重遊錦江隅獨憇茅屋下開軒招鶴來入市借
驢跨任從傍人咲免遭官長罵見說絕妙詞一

讀一瀟洒無因陪華席猶可續佳話願携北海
樽往結東林社昨朝棟花飛今朝杏花謝行樂
須及時敢辭出無馬

咨王侍郎寄襖原魯應奉

名門世所仰偉器人初識除書出省垣匹馬發
山驛金臺芳春宴玉署清晝寂年富經學優事
簡官情適笋班綵雲曙蓮燭明月夕登崗望庭
闈開閣集賓客鰕生寂無聞良晤何由得髮鬢
亦已華意氣徒自激題詩寄天風渺渺烟樹碧

借曹汝敬晚對亭酌因叙相思相勉之意
涼風鳴庭柯積雨過林巘披衣攬明鏡坐恐歲
華晚盈盈牀頭書自舒還自卷念爾西牕人殘
燭共誰剪簪紱垂光彩仕路需俊選巍巍黃金
臺往躅或可踐相思亦何屢相期良獨遠人生
易白髮世道少青眼盛時各有待幽趣貴自遣
寄語三徑翁蒿萊爲子剗

題待月亭卷

郡西古招提樓臺跨城邑小亭僅數椽日落晚

涼入二侯曾此遊徘徊松下立開樽待明月月
來海風急俗韻忽已消素光良可挹天容萬里
淨露氣千松濕酒闌賓客歡詩就魑魅泣蹇予
塵土蹤驅馳慚靡及時來弄清暉每擬續佳什
文園多病早浣花百憂集願言問嬋娟何當謝
羈縻

漁樵共話圖

樵夫初上山漁父纔泊船邂逅卽相問生涯兩
堪憐我渴魚可羨爾歸突未烟爾魚莫索價我

薪不論錢惟將薪換魚一咲各欣然

送塗嶺巡檢要東木之莆田尉

將軍有英氣負劍遊南荒曾陪繡衣客經踏烏
臺霜戎閩拔木雋奔走殊弗遑屬時臨漳郡羣
盜方獷猖匹馬汗如雨戰袍北風涼奮身良間
關許國成慨慷茂績固當讐小試爲足償菱溪
枉車轍司警驛道傍蒞政肅初令頽網日更張
月靜颺颺驚山暝狐兔藏編戶復奚事在在樂
歲康所居傍林塢訟簡白晝長鄰家稻田肥子

舍芸編香優游有旨趣於焉度年光夕露集野
草秋飈在垂楊解裝欲何之作尉壺山陽莆民
喜公至夾道相迎將泉民惜公歸所懷未渠央
民俗豈不殊美化端有方願言頌政謠毋庸咏
離章他時登要津萬里誰能量

贈莆陽蔡可禹有序 莆陽忠門西江陳

公建義學于家之西南延致可禹蔡君以
教里之子弟蔡公忠惠之後因裁詩贈之
忠門郡城東陳氏培世德一老髮已蒼諸郎眉

三齋先生集 卷之十一 五
總白屋南規義塾去家纔咫尺教養酬初心經
營闡嘉績蔡君忠惠孫於焉正師席吟詩思不
凡講學亦已力野叟聞絃歌里人慕矜式澆風
自此祛古道今可卽余生遭時艱來作忠門客
因緣此相值一見如舊識松陰六月寒海水一
天碧談交臭味同避俗烟埃隔追隨豈不好聚
散或難必共惟忠惠公文章在簡冊勗君良匪
他願言紹先澤

龍江山平遠樓

龍江居人稠市井若城邑陳君作江樓塵雜不
相及身閑千慮遣日駐萬境集羣峙兩岸山一
一如拱揖大海東南流海氣日呼吸長橋亘百
丈層塔崇七級微茫認島嶼曠蕩辨原隰潮聲
山外寒嵐氣屋中濕古寺烟鐘來遙浦漁艇入
霜晴鳧雁浴月白蛟螭泣賓朋事幽討觴咏屬
佳什蹇予簿書煩乃受升斗繫公餘強登眺詩
思轉羞澁江空歲年晚日夕天風急行藏我何
心倚欄還佇立

贈逸巖道人

逸巖方外士鶴髮雙眼碧常登虎山顛一覽天
地窄飄然駕雲還來作龍江客門前海潮生屋
上嵐翠滴開窓寫黃庭汲澗煮白石嗟予縛微
名十載事行役何時濯塵纓芝子叩玄牘

題李月海卷

皎皎明月光浩浩海水深明月常在天海水無
古今人生穹壤間百年漫浮沉所以李月海煉
丹瑞巖陰

翁居瑞巖陰披雲結精廬夜玩海底月澹然心
與俱海水天地寬明月何處無丹成跨黃鶴一
舉凌太虛

挽陳本中學錄

莆陽忠門鄉陳氏世樹德偉哉錦山孫少年擅
眉白擔簦良獨遠種學亦已力豈無天人書亦
有治安策方期仕路亨詎意風塵隔壯志竟沉
淪善類每嗟惜秋高雁行斷曉寒鸞影隻堂上
白鶴翁哭子長戚戚佳城邈何許日暮烟草碧

三原先生集 卷之十一
遙望壺公雲題詩雙淚滴

題陳允中趾卷

山妍雨初暗洞窈雲常暝
瑤瑤碧澗流落落青松影
游咏有高人誅茅臨複嶺
開窓翠嵐香展卷白日永
興來卽吟詩客至但烹茗
抱琴莫出遊蕙帳夜深冷

存與堂

人生宇宙間所貴培本根本根一以蹶枝葉何由繁
黃金照筐篚腴田跨郊原豈無百年計零

落烏足言莆陽有佳士結廬東沙村天高海氣清地靜山色蟠
哦詩風滿簷橫琴月當軒客來試相問何以與子孫主人咲且答
所與卽所存所存但方寸此外勿復論懷哉古聖哲種德在後昆
陰陰三槐庭奕奕駟馬門芳名尚不朽往轍猶可援君家有英兒
學問知淵源駸駸富貴來於焉賁丘園予亦慕古道撫心良弗諼
晤語嗟未諧意氣期相敦裂箋寄秋鴻臨風嗅蘭蓀

題潭州劉氏姊妹孀婦貞節

雙籐本同根長大附高樹樹倒何所依不離樹
根土劉家好姊妹嫁作儒家婦儒生遊不返姊
妹何所去憶昔嫁夫時各期以偕老今日無所
歸骨肉自相保一爐鑄兩鏡懸置東西窻窻前
無主人兩鏡復一雙哀哉復賢哉劉氏有二孀

過高郵

飄蕭樹梢風浙瀝湖上雨不見打魚人菰蒲雁
相語秋風吹白浪秋雨鳴敗荷平湖三十里過
客感秋多白鷺愛秋水獨立仍自行得魚故偶
爾驚起亦常情沙邊見漁家捕魚湖心裡夫婦
同操舟白頭共生死破罾一天濶小舟一葉輕
相傳與子孫終古無戰爭

過紫薇庵訪馮道士

道士愛幽居年來一事無盆邊瀉新雨石上種
菖蒲山中花蓋洞石上冷瀟瀟不見眠雲客惟
逢避雨樵研硃白露清點易太玄經盡日無人
到小窻蘭花馨

題汀州丁溪知事卷

三溪會汀州上有仙人居乃是丁令威玉珮搖
瓊琚高秋下風露水清芙蓉渠華表慣聞鶴小
舡閑釣魚鑑湖分半曲賀老意何如

舟行秋暮

舟行厭湫隘露坐臨赤日赤日不可當又復蟄
蝸室安得聿生羽飛上太華峯濯足玉井水散
髮雲臺風

荅福唐林氏兄弟詩

大聽聽若聾志士時若瘖所以陶淵明趣得無
絃琴悠悠南山青采采黃菊金歸來一篇詞千
載猶賞音抱病者奔馳愧古仍愧今海東有雙
鳳羽洒元氣濕高閣五雲端一飛九千尺下視
燕雀曹蓬蒿自相習高岡時一鳴唧唧俱歛翼
今年西北去去年東南征江山南北路歷歷俱
動情官程不暫停日沒仍夜行空江風露下曠
野河漢傾浮雲隔海岱明月知我心

萬山二水合匯之爲深淵劍化亦已久過去猶
凜然神物豈常處入地或昇天所以磊落士豈

爲俗所憐

當時二龍劍乃是山川精埋沒獄礎下異氣騰
豐城神光射霄漢斗牛爲不明一入壯士手長
鳴除不平

將至大橫驛舍舟乘輿暮行山中

山行日已暝肩輿度林薄涼飈淒以清松子當
面落千山月崔嵬萬葉風蕭瑟昨日棹歌行頗
憶溪上樂

月輪轉頭上溪籟奏足底人行山翠中葉落雨
聲裡虛名爲一官行子在萬里行行重行行日
夕聊復止

聞秋虫有感

秋虫集草樹淒聲亦何繁行子在遠道豈不思
故園黍稻上丘隴鳥雀亦快喧田園可將老軒
冕何足言

晝卧雲際亭

紅塵如海深渡水臥雲際白雲如海人千峯走
羣婢長嘯谷生風葉落飛滿地一鳥沒遙天遠

三齊先生集 卷之十一
樹秀如齊

贈白雲

白雲亦何閑竟日不下山時泛修竹裡相伴一
僧還悠悠覆松頂渺渺歸岫間奔走塵俗者視
君何厚顏

望武夷

溪行望武夷峭壁何嶄絕赤霞散不收大化元
氣泄下有萬年松上有太古雪祗恐月明中鐵
笛吹石裂

宿武夷

艤舟山水間借宿武夷觀月掛水晶簾風吹紫
霞慢鷄犬入雲中笙歌起天畔傳語杜聘君酒
熟幸相喚

宿武夷山會杜聘君

夜宿武夷山乃識青碧叟清談道士同險語山
鬼走出門視河漢危梯掛星斗白露蒲芙蓉清
寒夜吟久

我識杜青碧深居武夷山採藥紫芝嶺行歌白

雲間天梯遙可躡月戶高可攀天子召不起道人閑往還

題焦山方丈壁

江風入霜林寒葉下踈雨蕭蕭復蕭蕭可聽不可數山僧亦好客呼童掃行路到處尋秋聲披雲入山去

送吳父之揚州

青楊吹白華銀魚跳碧艸落日上海舡三月淮南道渺渺春江涯悠悠雲樹杪安得快剪刀江

頭剪芳草

寄王伯循諸公

木葉淮南秋蘭橈泊瓜渚把酒三人同江亭看飛雨雨過江色淨妙景發天趣歷歷江南山一青無數

大江湧金光穩如青蓮座就中有龍宮人見不敢唾江山萬古同日月片帆過把酒妙高臺狂歌醉相和

飄飄鶴林僧布鞵青鞋雙長江飛鉢度大海蛟

龍降遠來作偶別楚雨鳴秋窓振錫獨歸去天
花飛渡江

微茫揚子橋細雨濕秋色小艇載吳姬遙遙路
相接風起布帆高一往不可得夜宿廣陵城吹
蕭怨明月

過清溪道士江野舟

孤舟橫野水門外雪初除白日莫放鶴清溪閑
釣魚江南正月半猶自有梅花踏雪去何處清
溪道士家

秋日病起池上

顧茲林塘幽消此閑日永飄風舞萍根落葉散
魚影天池風露涼秋深藕花冷有懷無與言獨
立心自省

宿烏石驛

雲起烏石峰雨洗紫溪嶺旅館入山溪愁人覺
宵永燈花剪復開風竹亂不整清晨度閩關南
斗落衣領好寫度關詩筆頭點石筍

度閩關

三齊先生集 卷之二
曉度分水嶺身在雲霧中手叩天上關聲落山
下風雷霆走澗壑神人過虛空頃刻開萬象赤
鳥飛嶺東白髮下千峯盡入懷袖裏振衣度閩
關洒作山下水仰觀天有梯俯視井無底古來
守關人盡作山下鬼寒食百草青春風吹不起
寄沿山別駕兀顏子忠

我識顏別駕風度修且閑近持五色筆輝光動
南蠻甘飲石井水卧治鷺湖山玉峯露洒洒楓
林佩珊珊表表臺閣姿豈久州縣間相思不相
見可望不可攀海風吹夜月飛度七閩關

同幕府楊子丞李伯真避暑烏石上晚酌
天章臺

晚涼上烏石置酒天章臺日夕下山去海風吹
月來白露洒仙掌銀河洗金杯誰識芙蓉山飛
身入蓬萊高臺在層霄肩輿上絕壁露下酒橋
涼月出海門白坐拂衣上雲醉卧林中石西風
吹鬢毛南斗在肘腋

宿臺山寺絕頂

江白潮已來山黑月未出樹抄一燈明雲房人
獨宿近水星搖動河漢下垂屋四月夜雲深繁
陰倚修竹

望鼓山

鼓山起千仞乃是東海根蛟龍穴其下霹靂翻
海門砥柱儼不動日夜雪浪翻何當臨絕頂俯
視浴日盆

春日思遠遊

春日思遠遊遠遊欲何止角哀見楚王伯桃樹
中歿出門逢路人天下無二子春草一尺長春
日一萬里上有無情雲下有無情水

至治辛酉九日與用平上人純仁茂才遊
西山福清寺有感

芳月忽已晏賞心遂蹉跎薄言採秋菊于彼南
山阿杖藜古蘭若班荆多娑婆上方秋杪集中
秋白雲多野菓被清露石竹綠長坡搔首徒延
佇懷人獨行歌陳王布金地蟋蟀鳴寒莎淡然
釋氏子白首心匪他爲予別三傑玉石了不訛

香坂有芳蕙平池有高荷二者豈不美如此日
夕何

送別

古井九仞餘不如人意深薄交屢識面豈若兩
同心子行風霜野我望雲山岑相邀遠自樹莫
忘惠德音

題壽萱堂

芳草世豈無所貴忘憂難惟有北堂萱庶可娛
親顏青青向堦庭鬱鬱良可愛只恐流序徂秋
風不相待晨昏登高堂戲舞稱壽觴驚看堂上
人鶴髮明秋霜再拜祝萱堂不改三春好百年
以爲期歲歲長相保

白雲精舍

幽齋白雲裡苔徑隱林樾空堦落葉多溪竹書
聲歇嵐光翠以流爐烟暄常結涼飈響長林猶
疑絃聲發

滿月洞天

洞天絕人境清輝夜常蒲松際天影沉洞口林

光散昔人煉鼎處石竈云猶暖風篁如笙鸞時
時彩雲斷

風山龍井

瑤峰有神井龍潛不可測苔紋石痕深草映寒
泉碧詎非太華峰猶疑蘓耽宅僊人胡不歸空
山此靈跡

銅盤夜月

麻姑承露盤歲久化爲石伊人同化去留此知
何日苔滋古蹟深露滴寒光白惟有明月高

輝照如昔

天柱獅巖

岩嶢天柱峯幽居如白澤形若神獸蹲影類巨
鰲立日出陽岼紅雲歸陰林黑詎非鑿混茫猶
如神禹跡

文筆晚雲

竒峰碧若珪晴雲白如練溶溶雨外來靄靄林
中見秀色殊可人浮風映花縣甘棠庭訟清爽
氣令人羨

獎阜叢林

沉沉青蓮宇隱隱聞疎鍾桂殿荒蘚碧蘭堦落
葉紅水聲出溪竹石瀨鳴寒松東林有佳興解
綬來相從

洞宮丹室

僊人有丹室遙隔翠微裡石鼎雲影紅星壇霞
氣紫珠林散暮聲壁月落秋水靈跡今尚存神
光夜中起

禪岩夕照

空岩夕照來寒入野僧定歸鳥帶殘光連雲度
蘿逕禪房掩暮山楓林起烟磬幽人獨去來凭
軒足清興

星水朝霞

旭日升東林初照星溪水晴光散彩雲餘影亂
成綺隱映桃花潭杳霧武陵水韋齊有精廬空
山何處是

春江晚渡圖

風微杜若香潮滿江聲寂扁舟古渡前推起蓬

窓白山外日未高波底雲先赤隱見杏花村依
稀烟雨隔人間行路難羨此丹青跡焉得并州
刀剪取澄江碧

憂村氓

世道日紛紜人人自憂切路逢村老談吞聲重
悲噎我里百餘家家家盡磨滅休論富與貧官
事何由徹縣帖昨夜下羈縻成行列隣里爭遁
迹妻兒各分別莫遣一遭逢皮骨俱碎折朝對
狐狸啼暮爲豺虎嚙到官縱得歸囊底分文竭

仰視天宇高綱維孰提挈但恨身不灰抑鬱腸
中熱南州無杜鵑訢下空啼血

過廬山

向聞廬山名未一見顏色宦遊過江州始領崔
嵬壁九疊挿天青五老生雲白中有飛流泉直
下三千尺下瞰鄱陽湖湖波渺無極鷗鷺點點
輕雁鶩飛飛疾分帆南北間浩渺殊傾仄羨羨
同舟公濟濟天上客眷言欲往遊仕途阻程隔
瞻言發清詠峯雲漫漫白緬懷遠公林矯首陶

三石先生集 卷之十一
令宅願茲一覽觀于以慰疇昔復得誅束茅結
屋依泉石去去卒未能吟望三嘆息

早發黃河

晨牽大河上曙色滿船頭依依林木出慘慘烟
霞收村墟雜鷄犬門巷出羊牛炊烟動茅屋秋
稻上壠丘嘗新未及試官租急徵求兩河水平
堤夜有盜賊憂長安里兒生長大不識愁朝騁
五花馬暮脫千金裘鬪鷄五坊市酣歌最高樓
綉被夜中酒玉人坐更籌安知農家子力穡望

有秋短褐長不完糲食不同饑醜婦有子女鳴
機事耕疇上以充國賦下以供松楸去年築河
防驅夫如驅囚人家廢耕織嗷嗷齊東州饑餓
半欲死驅驅長河流河源天上來趨下性所由
古人有善備鄙夫無良謀我歌黃河曲庶達公
與侯淒風振枯稿短髮涼颼颼

盧圭齋先生集

七言古風

鞦韆

綠窓美人閉深院燕語鶯啼春事半畫欄睡足
四無人空與東君說幽怨綵繩嬾嬾挂青煙羅
襪纖纖翩翠袖紅妝高出墻頭花繡帶斜飛亭
際柳香風蕩漾春誰主願學飛僊飛不去黃昏
溪月浸梨花背立鞦韆悄無語

至正己亥夏予游壺山宿真淨岩卽景賦

三齋先生集 卷之十一
詩奉簡古道了堂二師

六月翠壺山下客凌晨登山如絕壁支筇徑上
真淨岩頭上清天纔咫尺高僧十載栖岩幽啓
扉相見還相留欣然坐我斗室底蒲室嵐氣生
清秋開窓一覽數千里滄海微茫等盃水客帆
來往煙雨中人家遠近林巒裏平生讀書苦不
多時事如此將柰何蠅頭蝸角付一笑會當結
屋山之阿

陳誠中留宿壺山別墅雨中紀懷

我客莆中知幾度重見壺山翠如堵今年還復
客莆中却向翠壺山下住翠壺山高高倚天便
欲杖屨登其巔暑雨成霖水如海贏得幾夕孤
村眠故國艱危塵滿目鄉夢每繞讀書屋劉琨
中夜還自舞杜甫曲江爲誰哭蠻烟瘴霧何時
開會見長風天際來旅懷寂寞賴知己對山爲
我傾瑤杯

遊龍紀寺和朱原道都事壁間韻

朱侯人物何竒哉想君豪氣凌紫岷當年同遊

龍紀寺爲愛登嶂青崔嵬騷壇賈勇樹旗幟鋒
刃凜凜誰能摧花驄不來歲月晏落華幾度委
蒼苔人間萬事總非昨江南江北多塵埃客若
遠公流我非淵明才相逢底用結蓮社握手一
笑傾瑤杯平山有雅懷訪我向岩隈龍王祠前
白波吼真人閣外紅蕖開彩雲翩翩在足底豈
若海上尋蓬萊人生出處莫浪計世路咫尺生
烟霾拔劍忽起舞長風天上來吁嗟壯士焉可
得題詩欲寄歌風臺

題項羽廟

長城骸骨丘山積羣雄操戈爭奮擊將軍手提
三尺劍長呼渡江天地圻馬上咤咤風雷生千
人萬人俱辟易新安坑平士卒怨咸陽火烈宮
殿厄衣錦得志歸故鄉詎知縞素起相責陳平
談笑捐黃金一朝君臣坐離隔事幾盡逐亞父
去帷幄空虛竟無策吁嗟垓下兵盡折慷慨歌
聲繞營壁八千子弟在者誰獨擁虞姬帳中泣
倉皇不上亭長舟膏血甘濡漢人戟回首英雄

安在哉古廟虛涼尚陳跡愁予泚筆一長吟簫
瑟江風暮潮急

有事居庸關

居庸關天蒼蒼關南多暑關北京天門曉開虎
豹臥石鼓奮擊雲雷張關門鑄鉄半空倚古來
幾度壯士死草根白骨棄不收冷風悲雨哭山
鬼道傍老翁八十餘短衣白髮扶犁鋤路人立
馬問前事猶能歷歷言坵墟夜來鋤豆得戈鉄
雨融風吹失顏色鉄星尚帶土花濕猶是將軍

戰時血前年又復鉄作門貔貅萬竈如雲屯生
者有功佩玉印死者誰復招孤魂居庸關何崢
嶸上天何不呼六丁駟之海外休甲兵男耕女
織天下平千春萬古無戰爭

宣布同知自燕京來報國哀時文皇晏駕
雨傾盆風擲瓦白髯使者能騎馬相逢官長馬
不下馬上云云淚盈把天柱傾天不晴白髯使
者東南行東南山水失顏色一夕秋風黯上京
走筆贈孤禮

別君金陵城遇君錢塘驛落魄江湖懶折腰笑
傲公侯但長揖柳花吹雪撲酒香酒缸瀲艷如
春江西湖天鏡碧墮地吳山娥眉青入窻平生
豪氣如虹吐余子紛紛何足數驛樓把酒歌別
離醉聽潮聲轟如鼓

留別同鄉嚴進士

欲落不落天上星欲去不去閩中人紅塵香憶
荔枝國薰風醉臥芙蓉茵浮雲富貴倘來物勳
業文章何足珍人生所貴在知己四海重逢骨
肉親何論千里與萬里志士雞鳴中夜起秋水
粼粼劒光紫

七夕後樂陵臺上倚梧望月有懷李御史

公襲

涼風落墮梧桐葉散下銀牀飛獵獵樂陵臺上
悄無人獨倚梧桐看秋月月高當午梧陰直涼
氣沾衣露花濕此夜却憶在金陵酒醒江樓聽
秋笛

過桐君山

桐山峨峨桐水清仙人不住芙蓉城山頭笑指
梧桐青至今山水俱得名丹光夜照江水赤赤
浪神魚夜飛出碧桐花下覓神仙白日山中遇
樵牧深谷傳響山有靈東山人喚西山應漁人
誤入水簾洞石雀倒掛丹崖藤桐荒路斷行人
少石上春風長瑤艸月暗黃鶴飛渡江仙人一
去梧桐老

夜泊釣臺

雙崖竝立幾千仞下有一葉之孤舟繁星亂垂
光燁燁長藤古木風颼颼荒祠幽黑山鬼集恠
石臨流作人立錦峰綉嶺雲氣深萬壑千崖露
花滴仙僧對語夜未央不知風露沾衣裳喚船
振錫渡江去林黑無由歸上方高寒宇宙無人
語亂石灘聲洒飛雨欲從巖子借羊裘且待山
頭明月吐

寒夜懷京和韻

帝京別久夢想同鬱葱佳氣凌青空石麟銅雀
動涼月玉樓珠箔來天風宮壺龍滴曉漏盡玉

堦馬滑春雪融錦衣高唱少年子銀甕索酒蒲
萄宮

京口寒夜和葛秀才

秋高馬肥弓力强山空月落天雨霜城邊蕭蕭
草木動漢家將軍一丈長江南地濕小臣病閉
門一夜不下床願言昭代舉天網亦看枳棘棲
鳳凰

題鴉落圖

天地霹靂斤斧餘天風萬仞吹不枯白雲石面
化青雨紅日海眼翻赤鳥銀河靈鵲夜渡影月
窟老兔時濡須太平海上錦袍客跨鶴來看浴
鳳雛

江南樂

江南樂春水虹橋滿城郭出門不用金羈絡門
外畫船如畫閣綠窓紗虛春霧宿隔窓蛾眉姿
約綽翡翠冠高羅袖薄楚舞吳歌勸郎酌紫竹
瑤絲相間作舡頭柳花如雪落秉燭懽遊隨處
泊人生無如江南樂

江南怨

江南怨生男遠遊生女賤十二畫得蛾眉成十
五新粧識郎面新妝識郎面尤淺千金入都遊
不轉郎官水田誇州縣大舡小舡過淮甸宦遊
未遂不肯歸不啻韶華去如箭楊花簾幙飛乳
燕踈雨梧桐閉深院人生無如江南怨

雪山辭題壽星驛

一年在京口雪片深春大如手獨騎瘦馬入誰
家四面雲山如甕牖大江東去流無聲金焦二

山如水晶瓜洲江口人不渡時有簑笠漁舟橫
一年在建業鴈月梅花滿城雪五更凍合石頭
城霜風鼓寒冰柱裂秦淮酒樓高十層鍾山對
面如銀瓶鷺洲不見二水白天外失却三山青
一年在晉陽西山積雪飛太行滹沱水合斷人
跡井陘路失迷羊腸長河萬里絕飛鳥捲起朔
風吹馬倒狐裘公子獵城南茅屋酒帘懸樹杪
今年入閩關馬蹄出沒千萬山同雲朝暮氣藹
藹石泉未凍聲潺潺

題雲山圖

我有郎官萬疊青換得將軍半窓綠月明恐有
鳳來栖日暮何妨鳥借宿清平海宇無烽烟五
風十兩歌豐年看山愛竹了公事焚香掛畫如
神仙城頭漏箭催更鼓將軍燕寢元戎府枕底
雲山光滿林牀頭斜插三珠虎

同曹克明登北固山和韻

三月三日風雨煖千家萬家桃李開少年白日
騎馬去滿城紅雨拂面來共君且須飲一斗處

士不必歌七哀孫劉事業今在否百年斷石生
莓苔

阻風崔鎮有感

大風吹河河倒行阻風時節近清明南人北人
俱上塚桃花杏花開滿城雖云宦遊俱作客便
覺此日難爲情河魚村酒亦足醉賴有同舟好
弟兄

遊吳山駝峯紫陽庵

天風吹我登駝峯大山小山石玲瓏赤霞日射

紫馬腦白露夜滴青芙蓉飄颻雲起迷石室石
上涼風吹紫竹掛冠解印賦歸去來掃苒燈洞
中宿

江上聞笛別友

江上何人吹玉笛水淺沙寒龍夜泣鮫人水底
織水綃洒淚成珠涼月濕丈夫有淚不須洒我
已掛帆君上馬悠悠回首各西東唯見溪西捕
魚者聞關一片月太行一片雲雁書遠寄隔山
岳雲飛月明多憶君

將至太平驛卽興

上灘泊處無千里舟人鼓舞家人喜到驛歡呼
如到家明日舟行復何止此驛行傳客過年何
日歸種淮南田玉堂金馬固云貴白酒紅鷄不
論錢

燭

海棠庭院日西入絳蠟凝香高一尺銀臺照夜
春溶溶金屏繡褥光相射洞房寶扇雙鳳花丫
鬟織手籠絳紗蘭燈交暉奪明月玉盃照影傾

流霞高堂舞袖沉香煖歡娛未盡春宵短長風
駘蕩落花多野鳥啼春動幽怨

秋蚊

爾形雖小心匪仁胡爲害我芸窓人珠簾翠幙
飛不去青燈茅屋來何頻先生多病體如削况
復空齋無帳幙秋梧雨過日西頽古屋深沉怒
雷作小兒舉燧炯炯飛破扇無風亂揮撲長驅
百萬一掃空閑枕遺經閉書閣中宵營營恣攢
啞書生熟睡燈影滅開門仰咲滿天秋白藕花

香浸明月

又

茉莉堂前月華吐飛蚊擾擾晴雷怒深閨小玉
焚椒蘭綉幙穿簾柳花度芙蓉夜臥銀燭滅綠
紗如炯罩香雪潛身飛入羅扇風耳畔營營宵
不絕瓊肌一啞雨夢回玉腕斜批守宮血屋外
寒蟬自清素夜長夜吟飲花露

舟過武夷

水自潺湲雲自閒須臾明月出東山扁舟門住

垂烏渡臥看幔亭九曲灣翩翩鳧鳥去朝天暫
駐駐帆九曲邊欲問雲孫今幾代不知仙子去
何年挿霄遠岫霾殘照夾道踈槐咽暮蟬試問
西安何處是三衢一水隔前川

望湖亭

望湖亭外波蕩蕩漁舟客棹頻來往好風捲雨
黑雲收十里湖天平似掌長川極浦秋雲清錦
帆自信牙樯輕蘭橈掣動龍蛇影棹歌驚起鷺
鷗盟昔是席上珍今作宦中客兩載遊帝京雙
鬢半垂白三衢非爲懶折腰楓城聯蔭桐陰色
黃金孰鑄子期形白玉空教和氏泣丈夫氣槩
無憚勞對此江上趣自高浩歌長嘯天地窄咲
殺馮唐嘆二毛

贛州奉別盧州判

玉川世家考亭側獨抱遺經髮垂白一朝夢裡
筆生花承恩南海神仙客南海四州環一島僖
山仁里居人好公署日長綠綺春閭闔夜靜寒
機早等閑枉笏情隨逸七椀月團喫不得鸚鵡

三齊先生集 卷之十一
杯浮椰子香鮫綃帕染白蘋色囊中秀句詩千
首肘後仙方經七卷俚語文身病有醫瘴雨巒
烟冬無炭去年見公未識荆今年識荆猶弟兄
公門共踏寒月影旅邸曾同夜雨聲一從領職
辭京闕瞬息流光秋八月亡羊岐口路偏多顛
水城頭舟兩別涼風吹雨波粼粼挂帆隱隱上
天津自憐客中仍送客臨溪倚樹謔傷神

中秋泊雩都東岳前對月書懷

纖雲不動清霄永嫦娥開鏡懸秋影一輪冰玉

碧娟娟萬頃玻璃寒烟烟去年此夕赴帝京錢
塘江上邀月明今年宦遊經贛水停舟對酒雩
溪淚雩溪之水清且真一杯祝月酌波神人生
三萬六千日對此中秋能幾人君不見庾亮登
樓興起歌憑欄長嘯思如何又不見杜陵年老
客他州遙怜兒女閨中愁英雄儒術知安在空
有虛名至今留白水書生今已老常見嬋娟長
是好宦情羈思徒悠悠醉臥舟中從潦倒

中元回家拜祭感懷

三才先生集 卷之三
七月十五月正圓中元遺俗知奉先亂後人家
生事薄遊兵邏卒猶喧闐山鄉路阻無紙錢江
村月落烹細鮮新魂舊魂百戰死孤兒寡女雙
泪漣陳生歸來泉石下獨居一屋如磬懸潔膳
孝養復何有幽軒洒掃花竹妍青藜之羹薦香
飯翠壺之茗烹清泉二親避地海中渚顧影百
拜心悽然荷衣破碎暮雨急枕書不寐思去年
烽火連天暗鋒鏑遺骸滿埜飛烏鳶蘭盆酒果
誰復設若敖之鬼啼秋烟連兵構禍今未已疲
民重歛何敢言喜聞王師下閩海廟堂元宰方
籌邊桓桓諸將奮忠烈義氣思欲吞腥膻下方
野人日矯首旄頭早落閩中天人有居鬼有享
賣刀買犢耕山田

寒夜聞笛

野人抱病不得眠嗚嗚畫角聲悽然黃雲隔斷
塞北月白雁叫破江南烟山城地冷迫歲暮野
梅雪落溪風顛長門美人怨春老新豐逆旅惜
少年夜深淒笛悲遙天萬瓦月白霜花鮮野人

一夜夢入塞走馬手提鐵節鞭羈體飲酒雪一
丈壯心起舞羶帳前五更夢斷氣如帟將軍何
日凱歌旋

黯淡歌

長灘亂石如疊齒前後行船如附蟻逆湍衝激
若登天性命須臾付生灰篙者倒臥牽挽勞攀
崖扶石如猿猱十步欲進九步落後灘未前前
灘高上灘之難難於上絕壁雖有孤賁難致力
灘名况乃呼黯淡過者攢眉增歎息下灘之舟

如箭飛左旋右折若破圍喧呼踏浪棹歌去晴
雪晒面風吹衣飛流宛轉亂石隘奔走千峰如
馬快海賈思家一夕還傳語灘神明日賽下灘
之易易如盤走珠瞬目何可停斯須長風吹浪
破人意朝可越夕暮可吳迺知逆順有如此逆
者悲愁順者喜請君聽我黯淡歌流卽須行坎
須止順者不必喜逆者不必憂人間順逆盡偶
爾且向溪山作壯遊

練湖曲

練湖七月涼雨過白水蕩蕩紅芙蓉芙蓉紅盡
早霜下鴛鴦飛去何匆匆茜裙女兒弄虛碧鳴
榔聲斷無消息清波小濼出銀魚落日銀山秋
欲滴望湖接山雲茫茫鳥飛不盡青天蒼丹陽
使者坐白日小吏開甕春酒香倚欄半醉風吹
醒萬頃湖光落天影挂冠何日隱江南短褐綸
竿上漁艇

海棠曲

內家楚楚諸王孫白馬金鞍曜晴日樽前細樂

耳厭聞世上閑愁生不識宮錦裁成五彩雲真
珠蹙就雙龍紋衣裳光彩照暮春紅靴著地無
烟塵翠樓珠箔玉鈎掛腸斷官腰無一把海棠
花底晝聞鶯太液池邊春洗馬千枝萬枝桃杏
紅花枝飄香薰酒中歸來月落人未醒有詔早
入明光宮

威武曲

桓桓燕將軍威武今第一赤面注丹砂虬鬚如
挿戟當年氣意何鷹揚手扶天子登龍床五年

垂拱如堯湯白日騎龍昇上蒼桓桓燕將軍威
武不可量熹微日色生東方早令一出照八荒

如夢曲哀燕將軍

芙蓉華爲誰好洞房昨夜將軍老將軍老去空
鐵衣漆燈照寒人不歸宮錦袍鮮氍帳高將軍
夜酌涼蒲萄蒲萄力重醉不醒美人獨在珊瑚
枕海子頭誰家樓綉簾高掛風悠悠行人謂是
將軍府將軍不來罷歌舞將軍容丹砂紅威風
凜凜蓋世雄出門千騎塞行路今日蕭蕭去何

處平村曲春水綠將軍獵歸曾此宿將軍一去
成荒丘依舊平村春水流阜鵬鷹紫騮馬將軍
戰馬獨不還將軍功世無比皇都甲第連雲起
將軍一去空鎖門馬上臺邊誰復存如花人櫻
桃唇傍人近前丞相嗔繁華日日笙歌送世事
悠悠摠如夢朝作樂暮作樂朝暮金盤空錯落
昨日欲盡東方明行樂未已悲哀生

儒有隆氏子者家無田囊無儲始以進士
入官爲京口錄事長行南臺辟爲椽繼而

御史臺奏爲燕廉訪架閣官歲餘遷知閩
海廉訪事又歲餘詔進河北廉訪經歷皆
奉其母以行其祿養也後至元三年八月
望舟泊延平津上是夕星河粲然天無翳
雲月色如白日溪潺潺如樂奏四山環抱
如拱如立如侍左右如奔走執事者蔭子
奉母船上與其婦具酒肴盤饌奉觴繼而
若妹妹之婿若僕若婢次而進和而不褻
謹而怡怡月光蕩酒而溪韻雜語咲母嘆

息舟人醉歌亦相與鼓柁作南歌爲樂今
夕何夕不知其異鄉也昔人所謂遊宦最
樂乃人樂奉親之樂實天樂也蔭子於是
命婦復盥酌酒以酒再拜爲母壽而作歌
曰

龍津秋水涵太虛今夕何夕光景殊皓月飛鏡
星貫珠河漢瀉影垂平蕪微波漾漾風徐徐新
涼拂拂飄裙裾阿母今年五十餘清晨理髮雲
蒲梳起居儼重夫人如有子在官名在儒奉母

三齊先生集 卷之二
祿養南北區晨昏不忍離斯須荆楚燕趙閩越
吳今年去官東海隅北上咫尺天子都官船軋
軋如安居阿母坐臥同家居清溪夜泊不用拏
坐母船上重褥鋪芙蓉映水搖攪揄開甕酒熟
薦新蛆秋園採菓圃剪蔬舡尾曲突通行厨家
雞水鴨美且腴溪鯽鮮大如江鱸奉觴酌酒前
拜趨月波蕩酒如浮酥子爲母壽婦壽姑阿妹
次進偕壻夫酌獻亦及婢與奴熙熙春盎無親
踈行禮有節歡娛俱阿母歡樂襟懷舒有婦右

策兒左扶舟人醉飽從歡呼鼓柁節曲聲嗚嗚
四山疊翠如畫圖泉鳴溪石如笙竽雙壺酒盡
杯可沾盤饌狼籍溪可魚人間此樂更有無異
鄉到處同里閭惟期母壽莊椿踰有子願效還
哺烏作詩紀實無浮譽

梅山行

并引

山在建城之南迺漢末南昌

尉梅福避地處也一日偕政和簿會嵇胡
允文晉寧李士瞻古汴楊大年者肩輿登
覽出入榛莽間直至絕頂間有破屋兩椽

三才先生集 卷之一 四
中設子真遺像傍有藥爐尚存去屋數里
許山之凹有丹道士周姓者汲水煎茶爲
客獻四顧林巒追想竟日曰賦山行以寓
懷古之意云

赤旗落色漢火微端門日日腥風吹咸陽秋色
壓官樹金人夜泣銅駝悲先生袖疏揆虎窟漢
鼎猶堪支一足九重烟霧如海深門外何人知
痛哭賊莽白日升郊臺玉璽墮地聲如雷周公
揖讓孺子戲絳袍將軍何日來塵飛滄海風擲

瓦白鶴身輕快如馬一聲鐵笛度閩關山月溪
風共瀟洒龍爭席鬪耳不聞長嘯袖拂松枝雲
夜鐺白石煮秋雨風佩赤錦飄霞裙先生一去
已千載尚有當時遺跡在題詩絕壁寄先生頓
使孤峯顏色改藥爐寂寞秋草深丹井水落莓
苔侵漢家瓦崩灰化土猶有丹光穿樹林

盧圭齋先生集

五言律

晚泊黃坑舖

清風嶺下路十里踏斜陽山色多凝翠人家半
姓黃秋晴泉自雨夜冷月如霜冉冉年華晏征
途底事忙

題葉清甫綠波樓

主人能拔俗每自捲珠簾野水春生浦山雲日
傍簷陶家唯釀酒鄴架盡懸籤相見波光好穉

來綠又添

寄張子震

南浦多芳草東風又落花相思頻入夢見說欲
回家奇字從人問新醅爲客賒自慚羈旅者猶
滯錦江涯

春暮寄友

鬱彼園林景屈然錦水邊花陰方半夜月色正
中天清景歸圖畫和風上管絃惜春情未已窻
外忍聞鶉

送僉判趙宗吉

大夫持憲檄來憇古松陰有馬行阡陌無鴉集
泮林豐功登石碣歸道載瑤琴惟有前溪水分
明照此心

送許存忠之漳浦縣尹

榕下年華晏逢君又送君銅章新縣尹鐵甲舊
將軍客路長亭雨鄉心極浦雲公餘延里士樽
酒共論文

和木軒林先生寄本中韵

玉人始相識猶憶在琳宮野樹雲間隔靈槎海上通荷香風共遠荔子雨初紅別後還惆悵何時咲語同

寓榕州寄烏石陳晚對

每憶山中老幽居晝不扃客多頻飲酒兒長解明經溪近鱸魚美林深荔子馨何時同晚對一咲聚星亭

和林子蒼湖亭晚酌

登臨多野趣未暇問朝簪南國秋聲起西湖暮景涵江雲連遠樹山雨落寒嵐同是他鄉客相携看斗南

宿僧房

信步尋僧去經臺梵韻清竹窻雲影過草閣夕陽橫磬响開經卷香飄遶殿楹青山飛白鳥暮景一時生

楓亭道中

楓林村酒好使客醉初醒雲影驛傍樹月明溪上亭文章多舊藁身世似浮萍努力崇勲業休

三齊先生集 卷之二
教兩鬢星

惠安道中

龍山兵火後百里總蕭疎官帑需新賦公田索
舊租尊鱸頻有夢鴻鴈久無書自咲成何用雲
邊是舊廬

荅王經歷庭訓

數日不相見文園病若何山城春事晚竹屋雨
聲多幕府官如水門庭雀可羅東家有賀老杖
屨肯相過

寧化縣

觸熱來寧化居人已賣瓜田園饒五色市井近
千家孤塔凌雲聳青山對縣斜蕭疎兵火後撫
景重咨嗟

過建寧縣

藍輿度林杪還向此中過縣古人家少山深穉
意多民風原儉嗇官事只催科賴有二三友相
從共嘯歌

贈李逢原

逢原爲縣吏地僻類仙居俸入堪供母公餘每
讀書詩人賡棣萼隣叟餉溪魚家世應如許期
君發軔初

送長樂縣吏

鄭生賦歸去吏隱大江潯刀筆蕭曹術詩書孔
孤心潮平魚入市山近荔成林雙劍津頭客時
時望好音

昆山客邸

萍水須相識居然子共歡天高秋月落江近夜

潮寒湖海詩懷壯雲山客夢殘出門舟欲發猶
自倚欄干

送高教諭

建安小洙泗之子去橫經遠樹含烟碧香芹帶
雨青深衣登講席綵服戲親庭須憶分携處吟
詩柳外亭

遊萬竹庵

公餘乘輿出時向北山遊翠雨環簷響清音滿
座浮佛香晴殿冷僧榻午窻幽試弄桓伊笛涼

風碧樹秋

遊洞嶺寺

古寺藏烟樹巖扉晝不扃日高花散影風定竹
無聲稚子添香火閑僧閱藏經新詩吟未就獨
向殿堦行

遊東林庵

窈窕東林裡幽人此結庵簷松青鬱鬱庭草綠
粼粼對景應無住談禪向已參靜觀心自在明
月照澄潭

遊萬松庵

昔賢歸隱處山路入雲長絕頂松濤吼幽巖桂
雨香白雲封藥竈流水落蓮塘客至忘歸去連
宵宿上方

梵宇空山靜秋風晚更清嵐光連霧氣松响亂
溪聲竹戶流泉近蘭堦落葉平夜寒人不寐千
嶂一燈明

遊北巘庵

曲徑峰前轉臨行見虎蹤孤庵萬樹合絕澗一

圭齋先生集 卷之十一
橋通芳艸凝微露靈湫飲綵虹山僧面壁坐應
悟萬緣空

夜泊羊角埧

繫舟羊角埧一夜夢難成月色千秋雪灘聲萬
馬兵魚龍攀石出鳥雀遶枝驚惆悵渾無奈還
添白髮生

遊吳廷用南庄

公事多餘暇看山到遠村雲莊依竹見樵徑過
橋分野水晴春碓巖松晝掩門所忻花縣近歸

路任黃昏

次鄭公除夕韵

爆竹聲除臘洪鈞氣轉春一年詩太苦今日酒
偏醇援筆題桃帖焚香供玉宸仰看雲漢外斗
柄指東津

送福唐林氏兄弟

故人傷遠別對酒且淹留冠蓋臨溪上旌旗夾
道周風霜下殘日鵬鷲起高秋獨有林才子贈
言多遠猷

次繁昌邑宰梅雙溪韵

矍鑠繁昌令曾爲觀國賓
儒冠猶破帽禮服尚垂紳
淡泊心無愧清癯自有神
老膺朱紱貴驚看白頭新

盧圭齋先生集

七言律

寄同年狀元拜住善御史

臚唱乍傳同虎榜繡衣還見上烏臺
石頭城下題詩遍天目山前攬轡迴
使節照江秋水立諫書排闥曙雲開
東南赤子瘡痍甚日望分司御史來

客武林寄馬元臣山之英二同年

結束琴書上帝畿誰知人事與心違
半生薄宦

真堪咲六月扁舟獨自歸
淮甸水深荷葉潤吳江
烟暖稻苗肥行囊只有詩
題富寫向天風寄繡衣

山之英寓所觀壬午進士題名記有感

曾携賦艸入天門五色雲中謁至尊
一代文明千載會十年耆宿幾人存
塵中事往渾如夢客裡情親得共論
浪說題名垂不朽相期努力答君恩

自高郵買舟還江南至常州值雨寄曾元

達

萬里扁舟偶獨還毗陵城下少盤桓
天連曠野青山少雨滿空樓白晝閑
旅邸有人垂顧問家書何日寄平安
半生勲業成迂濶猶自窻前把鏡看

和韵答白明之

君厭區區簿領勞詩人相對便揮毫
幽居最喜青山色熟睡不知紅日高
夜雨江湖談舊事秋風庭院試新袍
咲他名利途中客一似扁舟駕

海濤

汀州道中

七閩窮處古汀州萬壑千巘草樹稠嵐氣滿林
晴亦雨溪聲近驛夜如秋雲間僧舍時聞犬兵
後人家盡買牛但得龔黃爲太守邊方從此永
無憂

寄泰寧鮑縣尹

重岡複嶺渺天涯觸熱馳驅力欲疲但願官倉
長有粟不愁客路更多岐政聲盡說於陽好心

事還逢鮑叔知別後思君勞夢寐樵川川上月
明時

鮑侯招客梵宮遊傑閣岩巒近斗牛山勢北來
如展幙溪流西去可通舟半峯落日孤城晚一
榻涼風萬葉秋想有新詩畱絕頂還應寄與故
人不

雲巘書院

路入秋雲翠幾重人烟山色水聲中精廬不廢
名賢祀勒石還鐫舊令功野徑涼生松葉雨畬

田香滿稻花風醉歸馬上頻回首縹緲亭臺倚
半空

臨汀城外別丁景文

六月騎馬奔出郭故人相送高洋橋百年古郡
千峰遶萬頃平田十里遙客懷欲別且須酒溪
月自來何待招後夜相思定何處亂山疊疊雨
瀟瀟

趙孝子卷

仙居連朝雨雪集孝子血淚盈衣襟層空忽爾
露日脚寸念直可回天心何處買山埋白骨有
人作傳勝黃金顧余無限思親意南浦相逢感
慨深

周孝子卷

當時翁媪去何之四歲孤兒托付誰祿養莫酬
平日志畫圖長寄百年思田園夜雨先廬舊屺
岵秋風宰木悲我有二親俱已矣不堪對此淚
雙垂

題徐方外捕盜應夢圖

徐老平生志不羣力能擒賊勝千軍一官落拓
司征日數紙縱橫紀夢文湖海至今傳異事朝
廷終不負奇勲西風南浦還相見擊節狂歌月
到門
釣龍臺下解舟去大庾嶺頭馳馬過驛路雲生
椰子樹江城月滿鰐魚波青山是處題詩遍綠
野從今買犢多客裡送秋仍送客瀟瀟秋雨奈
愁何

送朱希文

江城水濶鴈來稀閩嶺雲深去路微風土於人
誰信美年華驚夢不如歸過家幸遇賓興日行
路寧辭露濕衣安得重爲論宿昔好賒隣酒扣
柴扉

送吳元珍

幾年不剪西風燭此日相逢如別何冷宦莫嗟
鄉國遠故人今在省臺多閩關把袂雲生樹灣
水維舟月滿河我爾重尋燕薊路鳳城載酒日
相過

贈片雲上人

曾憶相逢月臺下清談猶自帶烟霞避喧却愛
山中寺訪舊還尋海上槎石鼎烹茶分野水紙
窻剪燭看簷花定知歸去松蘿路猶向雲間採
藥芽

次韵答林迪齋陳景淵

村北村南學翠岑二分觴詠學山陰塵中歲月
成何事噉下烟霞識此心三徑落花紅簌簌一
溪流水碧沉沉村醅時向隣翁醉不羨渠家帳

下斟

送萬謙甫歸銘山

每向銘山山下過還來此地却逢君少年從吏
身何忝平日吟詩興不羣十月虎林天欲雪一
舟漁浦水連雲自憐客况無聊賴耳畔蛙聲不
忍聞

依韵答歐士中

客舍淒涼生綠蕪經年祇傍野人居樽空每買
隣家酒巷僻應回長者車白鳥夢殘楓樹冷黃

花香老竹籬
踈相逢且莫談
離別一別如今十
載餘

送孫君猷

久客桃源若避秦
孫郎一見却情親
詩才直欲空餘子
書法猶能學古人
黃瘴秋深雲似墨
綠波夜靜月如銀
元戎麾下應相問
爲道年來白髮新

寄呂用賓縣尹

烽燧年來暗不消
溪南劍氣夜干霄
共懽百里

塵初靜猶恨諸酋首
未臬剪燭西窻
山市雨移舟南浦
海門潮桐邊定見尹明府
爲寄相思道
路遙

重遊蓬壺因呈諸公一咲

匹馬重尋蓬島路
東風二月柳花香
曉烟萬笠人畊壟
夜雨孤舟客臥床
野老送迎悲往事
山童歌舞學紅粧
羣賢此會從來少
未必山陰勝永陽

我來作縣已三載
偏愛毗湖春酒香
溪上畫橋

朝繫馬雨中茅屋夜連床多情啼鳥短長曲無
數桃花濃淡粧欲學淵明歸種柳不栽桃李滿
河陽

依韵奉呈敬在博士先生并簡諸公一咲
遙逐薦書遊薊北暫將教鐸振泉南桃花門巷
晚風急燕子簾櫳春日酣海內干戈垂盛化山
中燈火照清談與來共飲溪邊市一任人嘲醉
墮簪

予客莆中同登壺山真淨岩訪古道了堂

二師

松扉深入白雲中攝蹬捫蘿路可通結社幾人
從惠遠登山何處覓壺公五更客夢茅簷雨六
月秋聲木葉風獨倚欄干望江海故鄉應在海
門東

至正己亥六月遊壺山宿真淨岩訪忠門
西江陳公江亭

懶聽江城奏鼓笳却從村塢問桑麻臨風亭館
非人境近海雲林是我家山徑草肥嘶瘦馬石

磯水淺動輕槎山間猶自憂民瘼日暮回頭看
稻花

樹下松扉絕點埃何須海上覓蓬萊十年客
鬢塵中改六月襟懷酒後開雲影不隨飛鳥沒
江聲偏逐晚潮來干戈滿眼風塵暗欲別西山
首重回

再道江亭用前韵酬美中

近來南國奏胡笳處處干戈亂似麻避俗每觀
高士傳過江直訪故人家百年風雨祠前樹萬

里雲濤海上槎猶憶太平無事日西湖共飲酒堂
荷花

挽安童叅政先任興化太守後任叅政分
省興化

昔日郡侯今將相出師未捷殞邊城空令父老
思黃霸重使英雄吊孔明公論有人書野史旅
魂無路到神京東山賓客知多少誰似羊曇涕
淚傾

和虞伯生寄張總管韵

玉署仙人化綵雲每於江海見遺文百年詞翰
真無敵五馬家聲賴有君堆笏床頭餘舊物讀
書窻外種芳芸停驂只在西湖上一席西風許
共分

寓平南善應庵述懷

薄宦曾充鹽筴使經營邦賦愧非才此身已擬
休官去斯地還因避亂來欲覓桃源終縹緲偶
過蓮社且徘徊家僮莫問村醪熟我已兼旬廢
酒杯

去年過此身猶健今日重來一病翁亂地風霜
如塞上隔江烟火是莆中孤鴻唳月秋空碧萬
葉經霜野樹紅竹下閉門來客少清談日與老
僧同

病中懷王德輝

憶與故人分袂日遊魚吹浪動新荷一年又見
黃花老兩地相思白髮多月落峰頭霜滿樹雨
餘溪上水生波知君囊底詩偏好寄與茅齋敵
病魔

題節婦卷

陳家有女李家婦三十哭夫應斷腸
梧葉幾番深夜雨梅花一樹短籬霜
閣東才俊眉俱白堂北光陰鬢已蒼
不待門前植華表人間野史百年香

三月晦日鄭友雲招飲

客鄉寥落三春盡惟有故人情最親
不管柳花飄巷陌却從藜杖過比隣
簾間銀燭搖疎雨酒後金盤薦細鱗
何日携樽郊外去綠陰庭院更

宜人

客建寧別李季昌

壺公山前曾賦別越王山下還論文
採茶夜煮南浦雨尋山曉踏西巘雲
青囊經在君能說丹鼎功成我欲分
客舍明朝又南北涼飈送葉秋紛紛

遊真淨巖和方時舉韻

林下高僧睡得牢春風幾度到園桃
龍歸洞口雲猶濕鶴唳峯頭月正高
千里溪山無戰壘半

江烟雨有魚舫我來還憶方時舉斗酒篇詩意
氣豪

答樂嶼陳樂齋

曾向虞庭看鳳凰微生自喜際明良久無消息
通蓬島忽有文章落草堂永夜懷人江月近頻
年咲我石田荒渭濱釣叟君知否老去功名汗
竹香

送府掾之永嘉

福唐郡吏東陽客此去永嘉知幾程三秋忍與

故人別千里還將慈母迎橘柚滿林香露重魚
蝦入市晚潮平交遊我有同年在相見還爲道
遠情

和朱仲綱赴杭韻

客中送子西禪度落日寒烟滿翠微美玉無瑕
和氏泣蓴鱸有興季鷹歸江城鴈過秋生樹野
店鷄鳴月在衣壯歲功名須努力只今搜士到
柴扉

寄題長樂王隱君小圃

聞說隱君遊小圃日題詩句滿蒼苔巘前石澗
呼童汲洞裡柴扉待客開花氣一林香霧合竹
陰半席好風來買舟何日來相訪共倚青山把
酒杯

贈雲峯道人

江湖十載老仙翁手拄枯藤剡水東玉笛數聲
秋月白錦文萬疊曉霞紅雲隨杖屨無心出海
遶蓬壺有路通山岳明朝何處客好隨詩句寄
飛鴻

太平驛和月林野間韻

驛路迢迢過建溪迴巖古木野禽啼征衫上馬
秋風早荒店聞雞曉月低新酒一番畱客醉寒
花幾樹與人齊定知明日吟詩處楊柳依稀水
閣西

遊金峯寺

杜宇嶺上秋聲悲金峯寺前石徑微亂山雨過
晴嵐滴遠樹風來落葉飛稚子跨牛行野岸詩
人下馬扣林扉白雲片片東南去故國魚肥客

未歸

再用明之韵

二毛侵髮見還驚却向青山似有情
客路風烟春事晚隣窗灯火夜深明
墻邊桑柘家家兩郭外松楸處處塋
自咲行藏何太拙謾將懷抱向君傾

和仲賓監縣遊考亭韵

幾度清遊溪上亭更於何處覓仙靈
一庭花落黃金粟千里山開綠玉屏
人世可憐春又老客

鄉相見眼偏青草堂久望高車過
日日柴扉不敢扃

和林子蒼玄妙寺值雨

兩袖薰風緩轡遊粵王城下少淹留
客衣半濕松花雨鶴影先分竹院秋
採藥僧歸雲外路吟詩人倚樹間樓
憑君汲取前溪水爲洗塵中浩蕩愁

再遊仙宗寺約曾元瑞不至

畫角聲殘曙色開吟魂先已遶山隈
涼風入樹

鳴茅屋踈雨吹花落石苔老鶴不知仙已去蹇
驢還載客重來故人却負烟霞約何處青樓把
酒杯

仲秋寓逕江張伯雅席上作

征衫一路拂輕埃袖得嵐光渡水來月色不如
今夜好客懷應爲故人開香隨桂子雲間落夢
逐潮聲海上迴醉倚西風賦離別明年何處共
銜盃

陳教諭見和因復用韵答之

風流人物出塵埃曾入都門獻賦來宦路不知
雙鬢改講帷又向八壺開月鳴茅店雞初唱烟
暝松林鶴已迴客子歸途相邂逅今朝把酒是
離盃

寧德寄呈鄭德和叅政繞兵古田

省垣徵發羽書忙賤子元宵到上方光滿玉田
千嶂月寒生瓦屋五更霜野人已厭干戈苦官
馬仍愁道路長珍重老僧爲相報元戎先已到
於洋

劉秘監山水

秘監揮毫意正酣依稀風景似江南經年修蔓
搃秋色隔水遙峯起暮嵐千里郊原天渺渺半
空松桂雨粼粼故山亦有溪山好自咲征塵日
滿衫

贈畫師春山

人在春山紫翠間旅途今日忽相看潮生遠浦
孤帆小雨過蒼崖古木寒筆底雲烟長滿屋壺
中風物共凭欄江湖何日重相會惆悵樽前別

更難

松下軒

晚景無心與世諧一軒長傍萬松開空庭日靜
春苔合老樹風高翠雨來病後茯苓還自斲吟
邊仙鶴不相猜歲寒亦欲尋良友只恐山靈促
駕回

題松江寺僧遊浙卷

松下上人相邂逅座中爲我說天台每瞻大士
雲間現曾訪羣仙洞裡回明月在梁虹影動西

風入樹鶴聲來遠人亦欲東州去
准擬題詩滿石臺

松江道中

兩袖西風此地過
清秋八月滿烟波
杭田萬頃連天遠
茅屋千家近水多
每買鱸魚供晚餉
愛聽稚子唱吳歌
年來自咲行藏拙
獨立蓬窗對素娥

分水關和朱明仲韻

誰鑿巒岈作巨藩
崎嶇盡處一逢原
千巘流水

東南合萬壘晴巒紫翠屯
驛使停驂松外路
居人買酒竹邊村
道經烏石頻回首
山後山前多白雲

雨後平林逗翠光
與君携手下崇岡
小橋跨澗村春急
老樹吹花野店香
遠路出關如獨鶴
好山對岸似羣羊
金川亭下披襟坐
日暮不勝嵐氣涼

廣信道中

瘦馬還從廣信過
一番天氣又清和
青梅樹暗

人家少黃犢泥深野水多南浦採茶供歲貢北
人緩轡聽蠻歌平生謾說封侯事不道年來鬢
已皤

登姑蘇臺

有客携詩此遠遊欄干倒影沒寒流千年歌舞
渾如夢九日登臨總是愁故國黃花應未晚孤
城殘柳不禁秋尊鱸倘遂南歸興咲向橋邊問
釣舟

寓海壇歸卽事

十年關塞未休兵多少間閭歲不寧客子買舟
尋舊好主人下榻慰飄零庭前老樹風鳴屋山
外踈槐雨滿汀當道諸公如問訊爲言卜隱傍
林扃

福清平南道中

輕輿五月歷郊垆萬事都非舊典刑省檄一番
新繕甲民兵十戶半抽丁雨餘野水村村白海
上烟岑點點青只合早尋丘壑去年來鬢髮已
星星

寓福清寄山東魏宗

十年塵土浣冠襟自覺新來老病侵
伏櫪空懷千里志登舟豈負五湖心
天浮南海鯨波濶人臥東山豹露深
自咲迺名猶未脫重煩軒蓋遠追尋

題蕭山韓家湖亭

坦蕩王翁能愛客暇日開樽湖上亭
漁浦秋潮生野岸山陰寒翠落踈櫺
香雲凝紙詩都好涼月當軒酒未醒
自咲紅塵吹兩鬢隔江遙望數

峯青

題南岡上人詩卷

曾見天華落講堂翩然振錫白雲鄉
葢茅絕壁星辰近採藥深林雨霧香
獨鶴當窻松影瘦老龍歸洞夕陰涼
相思欲寄新成偈落葉蕭蕭山路長

姑蘇舟中

曩時曾遊姑蘇郡明月于今幾度圓
闌闌萬方春似海烟霞千頃水如天
暮雲松逕僧歸寺夜

雨蓬窻客在船遙想繡衣驄馬客多情應念舊
同年

清河樓上小酌卽席和子儀韵

典衣沽酒柳邊橋今日重來憶昨宵竹屋雪消
渾似雨江城風靜忽聞潮笑拈彩筆題羈况醉
倚紅裙按玉簫明月西湖應有約好將春色上
蘭橈

與友宿傳法寺

歲晚同棲傳法寺夜深猶自對殘缸雪飄竹院

多如雨月上松枝半在窻潮信不將鄉夢去酒
懷頻覺客愁降倒懸早晚須除目歸掉春風柳
外江

寄天竺長老住集慶龍翔寺

東南隱者人不識一日才名動九重地濕厭聞
天竺二兩月明來聽景陽鐘衲衣香煖春畱麝石
鉢雲開夜臥龍何日相從陪杖屨秋風江上採
芙蓉

老僧召對金鸞殿喜動龍顏坐賜茶三宿觀堂

三齋先生集 卷之十一
談盤若九重春色上袈裟海濤東去龍藏鉢鴻
鴈南飛月在沙歸臥江心舊禪榻妙高峰上望
京華

寄劉德中句容小隱居圖

放光峰下結茅廬光照山人夜讀書童子抱琴
隨白鶴隣翁看竹借藍輿門前秋葉從風掃屋
後春雲帶雨鋤自咲天涯倦遊客十年未有一
寧居

高郵城樓晚望

城上高樓瞰大湖城頭畫角晚鳴鳴望中燈火
明還滅天際星河淡欲無隔水人家種楊柳帶
霜鳧鴈起菰蒲短衣疋馬非無事擬向烟波學
釣徒

燕將軍出獵

將軍一戰山河定雲漢昭回玉壘高柳外解鞍
春洗馬月中飛箭夜鳴鷗呼鷹走狗清時樂斬
將搴旗舊日勞白面春官催賜酒漢家不數霍
嫖姚

送王御史入京

驄馬風烟薊北臺玉郎獨上向蓬萊江湖水落
魚龍蟄天地秋高鴻鴈來北渚芙蓉風淡蕩西
宮楊柳月徘徊此行正及天申日應上堯年萬
壽杯

偕廉公亮遊鐘山

十里松風吹酒醒馬頭雲氣碧層層空山落葉
時聞雨古塔踈林夜上灯勝地幾逢今日會舊
遊却憶向年曾知君五老峰前去應有新詩寄

病僧

別江州總管真定王堯紹

我識文章王太守不知幾日上潯陽琵琶馬上
好明月香爐峰頭多夜光吟詩寫字午衙靜打
鼓勸農春社忙萬一公餘頗相憶寄詩同到荔
枝鄉

寄鶴林長老了卽休

白頭不出城南寺獨坐蒲團咲客忙過暑衲衣
從破碎逢冬竹院愈荒涼空山雲濕龍歸鉢古

屋松低鶴到床遙憶題詩舊遊處夜深東壁月
蒼蒼

和王維學海南還韵

飄零南北與東西倦鳥投林未許棲灯下吟風
山鬼嘯嶺南春雨竹鷄啼炎天海國瘴雲合深
夜鄉關客夢迷昔日持書到烏府五花驄馬騁
霜蹄

三衢守馬昂夫索題爛柯石橋

洞口雲眠紫氣多登臨聊和採芝歌爛柯仙子

何年去鞭石神人此地過烏鵲橫空秋有影銀
河垂地夜無波遙憐題柱凌雲客天近應聞織
女梭

題元符宮東秀軒又名日觀

茅山山下種玉地道士闢爲東秀軒五色彩雲
開日觀萬株秋露濕雲根竹園笋出牛穿角松
樹年深鶴長孫一道天河橫屋過奎光垂地映
堂門

集賢學士塔兒塔冊奉旨代祭真定路玉

華宮僕備鑿禮

大禘天香出內宮孝思興老總無窮百年禮樂
行三獻一代蕭韶起半空使者引班雲氣裡女
仙搖珮月明中小臣監禮陪清列兩袖葵花映
燭紅

登鎮陽龍興寺閣觀銅鑄觀音

眼中樓閣見來稀鐵鳳飛簷勢欲飛天外寶花
飄閣道月中桂子落仙衣高攀玉露仙人掌上
礙銀河織女機金鎖堂堂遺物在山川良是昔

人非

寄叅政許可用

紫髯叅政黑頭公日日鳴珂近九重花底聽鶯
黃閣散御前托鳳紫泥封却揮筆下文章潤散
作人家雨露濃未信吟詩趨幕府霜寒翠袖倚
芙蓉

文濟王賜練段賦詩以謝

夜夢東南五色雲曉聞使者已臨門府中重遣
年前賜幕下多承望外恩芝草煖霞浮露彩藕

絲秋水織霜根何因得侍西園晏宮錦淋漓獻
壽樽

李副使之江浙

持節方臨江海上乘槎又入斗牛津翠榕秋霽
碧天遠紅葉風微粉署新沙路有人迎棨戟吳
山回首近星辰東南民力多凋瘵今日甘霖屬
使臣

寄文濟王府教授郭尚之

聞君客食賢王府剪地芙蓉賜坐溫不愛時名

題鴈塔願將古學授龍孫中官送酒銀瓶小前
席談經絳帳尊却咲馮權何濫謁無魚彈缺向
朱門

送僉憲王君實之淮東

使君臘月揚州去東閣梅開雪壓枝淮上有官
皆避馬竹西無處不題詩春風楊柳平沙路夜
月瓊花后土祠從此公餘多勝覽好傳佳句慰
離思

可用惠茶賦詩以謝

春到人間纔十日東風送過玉川家紫薇書寄
斜封印黃閣香分上賜茶秋露有聲浮薤葉夜
窻無夢到梅花清風兩腋歸何處直上三山看
海霞

道士彭玄明歸三茆

道人家住湘江曲清夜月明搖珮環出門倒拄
九節杖辭家却入三茅山開籠放鶴橫江去持
鉢降龍布雨還擬共臨風吹鐵笛青松白石往
來閒

棲吳山

仙居時復與僧隣簾幙人家紫翠分後嶺樓臺
前嶺接上方鐘鼓下方聞市聲到海迷紅霧花
氣漲天成彩雲一代繁華如昨日御堦燈火月
紛紛

金陵道中

烟樹雲林半有無野人行李更蕭疎日來日去
逢鞍馬山北山南聽鷓鴣萬里關河憐宦舍五
更風雨憶吾廬寂寥一點寒燈在酒熟隣家許

再沾

題金山寺

朱欄六曲倚高秋元氣茫茫日夜浮
客去客來天地老潮生潮落古今愁
踈鍾水國前朝寺斜日海門何處舟
更擬黃昏盡餘興却從燈火認揚州

書懷

鐵甕城頭刻漏遲清霜如雪撲簾飛
雁聲隨地夢回枕月色滿懷人搗衣
塞北將軍猶索戰江

南遊子苦思歸呼鷹挿箭從圍獵
首蒼秋高馬正肥

宿道家作

三月江南飛柳花松間童子臉如霞
旋呼采石仙人酒來醉山陰道士家
曉日下城人影瘦西風上馬帽簷斜
吳郎今夜瓜州渡回首江心月滿沙

和葉知事題鬱山房

曾到招提舊宿房衣巾颯颯夜清涼
砌苔綠裛

松花嫩窻日紅低竹影長時爲烹茶薰石鼎頻
呼沽酒過隣墻追隨方外無由得一咲浮生逐
稻梁

客中書懷

上東門外千山雨馬上氈衣病不勝每歲奔馳
成底事半生辛苦負殘經江村水退魚生釜野
店厨空鼠食燈多少客愁那遣得故園東畔菊
層層

福州王霸故宅

湖上清光泛綠漪冲虛觀裏讀殘碑瑤臺人去
空畱像鐵井雲深好對誰眼底何年看瑞草心
中無地種交梨浪傳石穴藏丹訣鴻寶由來事
可疑

送丞相河南王南征

總戎才略正英年兼領中朝將相權天下河山
雄百二幕中賓客燦三千已承重寄辭儲館宜
策竒功繼穎川請學平南世忠武勿令專美世
皇前

逆豎真成鬪獸窮孤城危立萬山中王師所至
如時雨戎旆長驅有勝風犀縫朱纒三屬甲虎
文瑤韞六鈞弓懸知幕府多才士竚草平南露
布功
旄頭先日便移軍道上鳴螺寂不聞長技精兵
一當百高蹄戰馬萬爲羣大河渡水合成路北
風捲沙飛作雲今代凌烟豈無閣爲公他日讚
鴻勳

中秋寄友

何日乘鸞訪太清廣寒宮內兔長生花開桂闕
秋多少玉砌人間夜二更得句謾勞題彩筆開
樽誰與奏瑤笙下堦踏碎梧桐影千里江山千
里情

題道觀

太清樓閣世塵稀朗誦黃庭覓紫芝童子雲中
種靈藥老師松下着殘碁龍隨飛劍風生壑鶴
守神丹月滿池仙客不來瑤草綠天香落筆自
題詩

賦深隱

千章松下一茅廬見說徵君舊隱居苔逕不逢
時貴馬花欄長揖故人車風清竹屋聞幽鳥雨
綠荷盆出稚魚咫尺三山雲水隔不圖學劍學
兵書

寄衣

牽牛織女隔銀河一度秋來一度過歲歲寄君
身上服絲絲是妾手中梭剪刀未下腸先斷針
線纔拈淚更多長短只依前日樣不知肥瘦近

如何

愁

來何容易去何遲半在心頭半在眉門掩落花
春去後夢回殘月酒醒時濃如萬斛連天霧亂
似千尋惹地絲除却五侯歌舞地尋常何處不
相隨

美人折花

曉縮香雲出戶來凌波微步下瑤堦潛身折處
香凝指正面看時影在懷鶯踏露珠沾翠袖蝶

隨春色上金釵石欄干外莓苔滑歸院應須換
綉鞋

登大峰山

一逕盤桓上碧峰桃花巖畔扣仙宮微風不動
壇邊樹北斗頻懸石上松龍出洞雲浮檻白鷄
鳴海日射窻紅遊人咫尺青天近歷歷溪山在
眼中

過平溪橋

立馬橋邊喚渡船綠楊烟煖碧波懸高峰礙日

疑天近陰壑猶霜覺地偏處處魚鹽開艸市家
家鷄犬類桃源隔溪茅屋孤門掩重憶楊雄草
太玄

遊北里三峰寺

看雲遠過古叢林幽徑綠溪窈窕深竹覆僧房
冷似水苔生佛面半無金日斜孤鶴松梢立雲
冷寒蛩草際吟童子焚香延客坐一簾山色晚
沉沉

山行雜詠

過一山坳又一村小溪流水映柴門桑間少婦
自採葉舍下老翁閑弄孫山霧欲收紅日晏蕨
根新洗碧潭渾渾停輿暫向石亭坐隱隱樵歌隔
水聞
荒徑橫烟日色微森森翠竹掩茅扉隣翁乞火
蒸藜藿童女臨溪洗葛衣嫋嫋柳絲烟外細青
青梅子雨中肥老農蠻語畱人宿兒出畊田暮
欲歸

拂拂輕風谷雨初綠楊堤上步紆徐竹林生笋

長過母巢燕撲虫歸哺雛雨散溪流平岸漲雲
開巖樹倚天孤憑誰喚起王摩詰寫入秋毫作
畫圖

孤村欲暝絕飛鴉落日高原樹樹霞野水微風
輕皺縠林巒橫霧薄籠紗山邊隣火逢人滅雲
際星光到地斜自作幕賓今五載幾回乘月到
田家

再遊南庄

飛鳳山南樹色蒼疎籬野屋對蒲塘巖雲掩日

三齊先生集 卷之三
收殘暑溪雨迴風生午涼手種晚菘盈圃嫩飯
炊新稻滿厨香叩門休認催租吏願借竹林飛
羽觴

夢中得二句云萬里春潮隨月上數聲漁
笛隔溪聞覺而足云

竹蓬窻外雨紛紛清夜詩人思不羣萬里春潮
隨月上數聲漁笛隔溪聞夢回身世猶蓬島望
斷家山只白雲寧喜遭逢聖明世擬將事業對
明君

泊小孤山

扁舟繫纜大江濱與客登臨漫愴神塵世幾經
興廢事江流不管古今人秋生彭澤松聲老日
落孤山鴈影新歸到蓬窻眠不得遠懷故國夢
頻頻

雩都縣西禪田寺有生佛甚靈殿後有竹
十三竿云是佛在日所敲之竹卽今存焉
忽聞生佛到禪關花木深深作翠圍座上真身
千百載窻前敲竹十三竿苔封古砌廊廡盡秋

入山門風雨寒
啜罷茶甌僧話別
孤舟催客泊
前灘

宿會昌舖

會昌郭外暫維舟
滿眼風光慰宦遊
日落千山紅樹晚
夜深二水碧溪秋
忘憂草色迷官舍
桂子花香沁酒樓
回首鄉關何處是
白雲遮斷使人愁

宿武林禪果寺

囊書匣劍宿禪房
坐聽更籌夕未央
紺殿香消燈影小
故鄉夢覺雨聲涼
侯蛩戒夜秋將晚
征鴈拂雲天正長
默計客程成獨喜
武平取次是程鄉

題吳元珍釣圖

老翁撐船傍蘆荻
船頭獨坐看秋波
不知昨夜風聲惡
但見滿溪山色多
誰人著筆成圖畫
有客吟詩學擢歌
我亦頗識江海趣
幾時同子披烟蓑

遊林肅寺和林清源先生韵

三才先生集 卷之十一
秋到人間纔六日閑尋野寺過蓮華雷聲忽度
山中雨霧氣遙凝海上霞古院疎槐堪繫馬荒
城落日又啼鴉老僧不管興亡事獨閉松扉自
煮茶

再過鍾山萬壽寺有感

紫翠烟霞出上方遊人登覽憶先皇石欄空見
巖花亂翠輦不來山路荒此日風雲餘王氣舊
時草木被天香夜深寂寞人歸後猶有山靈護
御床

題鄭克讓淵明卷

靖節高名垂宇宙何須五斗折腰爲柴桑歲暮
驥將老栗里雲深鶴已歸松菊厭沾新雨露衣
巾不改舊容儀于今鄭谷人歸未學得陶翁自
古稀

餞德化王知縣

悠悠鄉思逐雲飛匣劍囊琴賦式微客計不如
歸計好宦情長與世情違石田茅屋生苔蘚鳧
鳥朝衫換彩衣畱得棠梨花一樹龍尋山下款

春暉

和經略使從事間可理問同年

偶行村落采民謠自愧踈庸負聖朝海水連天
風浩浩山房盡日雨瀟瀟王師未息烟塵暗驛
使相思道路遙定擬榕陰重話舊九仙峰頂看
秋潮

再分司海口卽事寄桂尚文都事

去年曾此徵邦課不憚馳驅上下亭今日重來
頭頓白故人相見眼俱青春郊戰馬塵初暗夜

月啼鵑夢易醒鹽事又興農事廢窮閭愁嘆不
堪聽

題全安庄

野寺尋真幽更幽老僧敬客客來遊踈鍾幾杵
江山暮落雁一聲天地秋山鳥有情憐我去燭
花濺淚爲誰愁而今惆悵江頭別不識重來有
日否

過吳江

興隨流水共悠悠此地蘆花正滿洲落日片帆

千里暮西風長笛數聲秋
衣冠空帶英雄淚湖海難消浩蕩愁
吟罷欲尋沽酒處傍人遙指隔江樓

盧圭齋先生集

五言排律

餞憲使元卿赴浙江叅政

姬旦周元老更生漢懿親
皇朝右文治岳狩選儒臣
夙志由來著清聲久已振
萬鈞風力重一道月華新
肅政高羣望嘉猷播絕倫
總閩持綉斧叅浙坐華茵
海嶠升初日湖山宴早春
登臨頻賦咏萬物改清貞
勲業歸調鼎恩榮促召輪
欣逢天縱聖重見岳生申
報主惟深敬憂民直

至仁魁梧表儀羽敷治展經綸方面分廷務東
吳振日宸具瞻岩石峻列坐廟堂珍薇省花容
煖春城柳色顰迎歸舟楫具文著憲章純接履
登高位乘槎據要津推恩均雨露舉首近星辰
賤子初登第明公領縉紳疎慵期采錄悚懼走
逡巡忝對南宮歲長懷北闕晨三年親簿領幾
處困風塵從事沾微祿鯁生似舊貧駿奔惟恐
後久屈欲求伸拙守詩爲業懷成道日陳駑才
慕驥足汗瀆敢攀鱗曩昔期朝士遲回忝國賓
願言爲汲引自許絕緇磷北斗天河上南州瘴
露濱惟將涓滴念日夕望秋旻

贈府訓林先生之京二十韵

堯歷開昌運昇平十四春鶴書馳雲路鶚薦貢
儒珍宦族西湖裔家聲閎閎親異才舊卓犖衍
慶自殊倫彼美仙壺客由來紫帽隣範模資郡
泮俊秀萃成均鱣雀升楊震桂林羨郗詵雕盤
辭首藉瓊宴念嘉賓射隼高墉上乘槎天漢濱
器成時獲利道達志常伸際會風雲日沾濡雨

露景秋鵬搏翼健霧豹澤毛新正欲摳衣侍那
堪別話陳東亭芳草合南浦綠波鄰驪駒閑戒
僕紫燕語畱人俯拾金閨彥行看畫錦臣諸生
刺桐下側耳好音頻

盧圭齋先生集

七言律

贈周信玉

秦川周子衣冠胄家世相傳幾百年
青草一庭香滿屋白岩萬古勢連天
讀書空谷人如玉喚渡長江月在船
夢寄短檠疎雨外詩成石澗古梅邊
忽驚紫氣排雲入共喜清宵聽雪眠
歸去故人應問我爲言荒落尚依然

錢孫復齊赴南雄同知

盧圭齋先生集 卷之十一
聞說刺桐城外道使君七日赴南雄楓宸錫命
黃金帶荔浦飄香繞玉驄劍拂洛橋濤泊岸驛
經庾嶺樹連空山中五月畚田熟海上諸州水
道通幽澗晝飛椰葉雨寒潮夜渡鱷魚風綠林
處處歸民伍皂蓋時時謁學宮定有諸生師柳
子莫將循吏讓文翁化行稚耄謳歌起訟簡賓
僚咲咏同千里相思明月夕新題遙寄海雲東

盧圭齋先生集

五言絕

過峽口浦

峽仄蜂腰斷溪迴燕尾分行人思澗壑身世若
浮雲

縣齋閑坐偶成

庭樹雲初晴雙雙鳴鵲聲六花消未盡猶照葉
心明

翠峰梅雪

三齋先生集 卷之二
蒼龍吼翠濤白霧迷青壁頃刻赤鳥飛風枝墮
殘滴

盧圭齋先生集

七言絕

題杜容可篔居卷

種得篔簹日轉添東風暗綠上疎簾近來春信
知多少屋角新梢已拂簷

道人家住綠雲間日日吟詩獨倚欄二仲不來
山逕晚一簾清影作秋寒

興化道中

雨過山城野水渾夕陽黃犢臥籬根吳塘父老

應相語昨夜南船到海門

泊洗溪驛

篷底淒風過似箭枕邊急浪響於雷
夢魂曾到桐陰下夜未三更又却回

歲寒

木落山空勁節存獨留清影向黃昏
滿林風雪無人到知是江南何處村

和鄭子經遊仙宗寺韻

玉堂老鶴仙騎去白雪滿空何處尋
昨夜飛來

峰頂月分明照見古人心

再用子經韻簡曾元瑞

千里青山綠樹深雨中騎馬愜幽尋
故園松栢秋風早無限新愁上客心

蓬萊弱水渺難量何自堪求却老方
佳客不來成獨立一庭松影暮天涼

送劉友峰再遊南泉

手携數尺綠玉杖口誦青囊一卷經
莫向北山尋舊隱夜深猿鶴不堪聽

立馬臥龍山下路白雲東去是吾家煩君爲寄
西風信直到疎籬問菊花

陸德陽杭州新居

武林城下文章客移得幽居近碧灣聞說梅花
開欲遍一舟衝雨到孤山

青山隔屋暮雲濕紅日當空春水明月滿六橋
歌舞散柳陰深處有書聲

草萍驛和薩天錫

林外輕風帽影斜客衣近染紫山霞等閑點檢

春多少墻角薔薇幾樹花

蒜嶺道中

誰家種稻覆山田何處鐘聲隔暮烟渡口潮深
風滿海嶺頭雲盡月當天

宿莆陽玄妙觀贈一山道人

曾向山房夜聽琴白雲有約許重尋吟成立盡
虛簷月落葉滿庭秋意深

白晝爐薰裊碧烟小窻清夢快遊仙人間何處
無瑤草不信蓬壺別有天

送阮洞仙

我住桃源六十年
神仙不見意茫然
如今駐馬壺山下
始信城中有洞仙

題四皓圖

鶴髮蒼顏大古心
採芝共入白雲深
只因誤到長安市
惹得人間說至今

錢舜舉木芙蓉

紅粧初映酒盃酣
斜倚西風轉不堪
霜後池塘秋欲盡
令人惆悵憶江南

洗馬圖

千里名駒出渥洼
十年汗血染塵沙
如今海上都無事
楊柳池邊浴五花

玄妙觀作

樹間宿靄喜初收
樹梢晴嵐翠欲流
半醉半醒詩未就
一夜西風葉葉秋

題射獵圖

滿目西風塞上塵
五花驄馬轉精神
憑君莫射雙飛雁
恐有音書寄遠人

題山水圖

漁舟風雨蓑衣冷僧寺烟霏塔影斜
行客莫嫌天色暝隔江鷄犬有人家

舟泊揚州

曉發瓜州古渡頭好風半日到揚州
客船只向城西泊何處吹簫月滿樓

寒山寺

古寺瀟條枕碧漪幾人泚筆好題詩
客船也有鐘聲到不是姑蘇夜半時

題山水卷

野逕穿雲入翠微山家茅屋掩柴扉
扁舟獨釣滄江上風雨滿船猶未歸

題捕魚圖

水光不動掉聲遲阿母舟中坐哺兒
却笑世途風浪惡人家骨肉苦分離

白衣漁父獨操舟兩岸西風蘆荻秋
稚子莫驚灘水險險灘過了是安流

蒲萄

三才先生集
夏半蒲萄正熟時累累滿架紫金垂甘酸亦自
能消渴可惜相如早不知

畫梅

枝頭春雪瑩芳樽綽約冰姿襲醉竟翠羽影殘
清夢覺滿天霜月正黃昏